

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 33. i 45. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 7/20), Odlukom o preraspodjeli rashoda u Budžetu Zeničko-dobojskog kantona, broj: 02-11-19760/20 od 23.12.2020. godine i Odlukom o preraspodjeli rashoda u Budžetu Zeničko-dobojskog kantona za 2020. godinu, broj: 02-11-19761/20 od 23.12.2020. godine, na prijedlog Ministarstva zdravstva, Vlada Zeničko-dobojskog kantona, na 90. sjednici, održanoj dana 28.12.2020. godine d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2020. godinu na poziciji „Kapitalni transferi drugim nivoima vlasti - za zdravstvo“

I.

Usvaja se Program utroška sredstava planiranih u Budžetu Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 7/20) na poziciji „Kapitalni transferi drugim nivoima vlasti - za zdravstvo“ u iznosu od 4.305.000,00 KM (slovima: četirimilionaitristotinepethiljada konvertibilnih maraka), koji čini sastavni dio ovog Zaključka.

II.

Sredstva planirana Budžetom Zeničko-dobojskog kantona za namjene predviđene ovim Zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Zadužuju se Ministarstvo zdravstva i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

IV.

Stupanjem na snagu ovog zaključka stavlja se van snage Zaključak Vlade Zeničko-dobojskog kantona, broj: 02-11-6340/20/20 od 08.05.2020. godine.

V.

Zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02-11-19936/20

Datum, 28.12.2020. godine

Zenica

DOSTAVLJENO:

1x Ministarstvo zdravstva,

1x Ministarstvo finansija,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM
UTROŠKA SREDSTAVA PLANIRANIH
U BUDŽETU ZENIČKO-DOBOJSKOG KANTONA ZA 2020. GODINU
NA POZICIJI
“KAPITALNI TRANSFERI DRUGIM NIVOIMA VLASTI- ZA ZDRAVSTVO”**

Zenica, decembar 2020. godine

I UVOD

1. Pravni osnov

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sredstva utvrđena u razdjelu 21, budžetska organizacija 01, potrošačka jedinica 0001 Budžeta - Ministarstvo zdravstva - pozicija „Kapitalni transferi drugim nivoima vlasti- za zdravstvo“, koristit će se prema programu utroška, odnosno prema aktima koje donosi Vlada Kantona.

U skladu sa članom 45. stav (1) Zakona o izvršavanju Budžeta Zeničko-dobojskog kantona za 2020. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se financirati, kriterij i naziv pravnog ili fizičkog lica koje prima transfer.

Članom 13. stav 2. Zakona o zdravstvenoj zaštiti („Službene novine Federacije Bosne i Hercegovine”, broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa mogućnostima Budžeta Kantona.

Članom 13. stav 4. Zakona o zdravstvenoj zaštiti propisano je da Kanton osigurava sredstva za ostvarivanje društvene brige za zdravlje.

Vlada Zeničko-dobojskog kantona je Zaključkom broj: 02-11-4172/20 od 13.03.2020. godine usvojila Program utroška sredstava sredstava planiranih u Budžetu Zeničko-dobojskog kantona za 2020. godinu na poziciji „Kapitalni transferi drugim nivoima vlasti - za zdravstvo“, kojim je planirana potrošnja sredstava u iznosu 2.550.000,00 KM i to za:

- kapitalne transfere za JU Kantonalna bolnica Zenica u iznosu 2.150.000,00 KM i
- kapitalni transfer za rješavanje problema osposobljavanja izolacionog centra za sprečavanje širenja novog corona virusa u iznosu 400.000,00 KM.

Vlada Federacije Bosne i Hercegovine je 16.03.2020. godine donijela Odluku o proglašenju stanja prirodne nesreće uzrokovano pojavom corona virusa (COVID-19) na području Federacije Bosne i Hercegovine, V.broj: 408/2020 godine.

U cilju zaštite stanovništva od zaraznih bolesti, na osnovu usvojenog Programa, Vlada Zeničko-dobojskog kantona je donijela sljedeće odluke:

- Odluku o odobravanju sredstava u iznosu od 400.000,00 KM za ove namjene, broj: 02-11-4339/20 od 17.03.2020. godine i
- Odluku o odobravanju sredstava u iznosu 1.652.0000,00 KM za nabavku medicinske opreme, broj: 02-11-5001/20 od 27.03.2020. godine.

Izmjenama i dopunama Budžeta Zeničko-dobojskog kantona za 2020. godinu („Službene novine

Zeničko-dobojskog kantona“, broj: 7/20) planirana sredstva za kapitalne transfere za zdravstvo povećana su na iznos od 4.205.000,00 KM. Navedenim povećanjem sredstava uobzirene su dodatne potrebe JU Kantonalna bolnica Zenica i donesene odluke o odobravanju sredstava, tako da su redovni kapitalni transferi uvećani za iznos kapitalnih transfera čiji je cilj sprečavanje širenja bolesti izazvane corona virusom i adekvatna priprema JU Kantonalna bolnica Zenica za novonastalu situaciju izazvanu pandemijom.

U toku 2020. godine, vršene su nabavke u skladu sa usvojenim Programom, a sa usložnjavanjem epidemiološke situacije i proglašenjem pandemije, postojale su i potrebe za dodatnim ulaganjima čiji je cilj bio uspješno liječenje hospitaliziranih pacijenata oboljelih od COVID-19, uz napomenu da su se u JU Kantonalna bolnica Zenica liječili oboljeli sa srednjom i teškom kliničkom slikom, kojih je sa pogoršanjem epidemiološke slike bilo sve više.

Ministarstvo zdravstva je zajedno sa JU Kantonalna bolnica Zenica, Zavodom zdravstvenog osiguranja Zeničko-dobojskog kantona i Institutom za zdravlje i sigurnost hrane Zenica potpisalo Sporazum sa RE.TE.Ong (Italijanski partner) o realizaciji projektne inicijativ epod nazivom „Od spoznaje do zaštite žene nosioci prava na zdravlje u Bosni i Hercegovini“. Za realizaciju navedenog Projekta postojala je obaveza nabavke jednog digitalnog mamografa, za što su odlukama o preraspodjeli rashoda u Budžetu Zeničko-dobojskog kantona za 2020. godinu obezbjeđena dodatna sredstva u iznosu od 100.000,00 KM, tako da su ukupna sredstva planirana za kapitalne transfere povećana sa 4.205.000,00 KM na 4.305.000,00 KM.

2. Naziv programa

Sredstva kapitalnih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2020. godinu na poziciji „Kapitalni transferi drugim nivoima vlasti - za zdravstvo“.

3. Ciljevi programa

Pored činjenice da su navedena ulaganja zakonska obaveza osnivača zdravstvene ustanove, planiranjem sredstava za namjene utvrđene Programom doprinosi se:

- poboljšanju kvaliteta zdravstvene zaštite,
- smanjenju listi čekanja pacijenata,
- povećanju zadovoljstva korisnika zdravstvenih usluga,
- smanjenju odliva sredstava u druge kantone za pružene zdravstvene usluge u drugim zdravstvenim ustanovama i dr.
- praćenje i sprečavanje širenja novog corona virusa i poduzimanje neophodnih mjera u cilju zaštite stanovništva od zaraznih bolesti, poduzimanje mjera i aktivnosti da se omogući adekvatno liječenje pacijenata pozitivnih na COVID 19.,
- učešće u realizaciji projekta sa inostrnim partnereom u cilju podizanja na viši nivo zdravstvene zaštite žena .

4. Izvori sredstava

Budžetom Zeničko-dobojskog kantona za 2020. godinu („Službene novbine Zeničko-dobojskog kantona“, broj: 24/19 i 7/20) na razdjelu 21, budžetska organizacija 01, potrošačka jedinica 0001-Ministarstvo zdravstva, ekonomski kod 615100, pozicija „Kapitalni transferi drugim nivoima vlasti- za zdravstvo“ planirana su sredstva u iznosu 4.205.000,00 KM, a Odlukom o preraspodjeli rashoda u Budžetu Zeničko-dobojskog kantona, broj: 02-11-19760/20 od 23.12.2020. godine i Odlukom o preraspodjeli rashoda u Budžetu Zeničko-dobojskog kantona za 2020. godinu, broj: 02-11-19761/20 od 23.12.2020. godine, sredstva na poziciji „Kapitalni transferi drugim nivoima vlasti- za zdravstvo“ uvećana su za 100.000,00 KM za sufinansiranje nabavke digitalnog mamografa za realizaciju Sporazuma sa projektnim partnerom RE.TE.Ong (Italija) za realizaciju Inicijative pod nazivom „Od spoznaje do zaštite: žene nosioci prava na zdravlje u Bosni i Hercegovini“.

Realizacija se ostvaruje donošenjem programa utroška sredstava i odgovarajućih akata (odluka) o odobravanju sredstava od strane Vlade Zeničko-dobojskog kantona, a prema operativnim planovima potrošnje usklađenim sa procentom ostvarenja javnih prihoda, osim u slučajevima odobrenim posebnom odlukom Vlade Kantona.

5. Korisnici programa

Vlada Zeničko-dobojskog kantona, cijeneći situaciju nastalu početkom godine, a u vezi pojave novog corona virusa, razvijanje situacije i proglašenje pandemije, te stavove Kriznog štaba Ministarstva zdravstva Zeničko-dobojskog kantona za praćenje novog corona virusa, planirala je sredstva za JU Kantonalna bolnica u svrhu sprečavanja širenja bolesti izazvane novim corona virusom (COVID-19), kao i sredstva za redovne potrebe za nabavkom neophodne medicinske i nemedicinske opreme, rezervnih dijelova i građevinsko zanatske radove u JU Kantonalna bolnica Zenica.

Programom potrošnje Kapitalnih transfera za zdravstvo, usvojenim zaključkom Vlade Kantona, broj: 02-11-6340/20 od 08.05.2020. godine, potrošnja planiranih sredstava za kapitalne transfere za zdravstvo u 2020. godini podijeljena je u dvije cjeline:

- Kapitalni transferi za JU Kantonalna bolnica Zenica u iznosu 2.153.000,00 KM, od čega se na nabavku medicinske i nemedicinske opreme odnosilo 1.803.000,00 KM, građevinsko-zanatske radove 250.000,00 KM i nabavku rezervnih dijelova za medicinsku i nemedicinsku opremu 100.000,00 KM.
- Kapitalni transfer za JU Kantonalna bolnica u svrhu sprečavanja širenja bolesti izazvane novim corona virusom (COVID-19) u iznosu 2.052.000,00 KM.

II RAZLOZI DONOŠENJA NOVOG PROGRAMA UTROŠKA SREDSTAVA

Odlukama o preraspodjeli rashoda u Budžetu Zeničko-dobojskog kantona, donesenim u decembru 2020. godine, bilo je neophodno uvrstiti navedena sredstva u Program u dijelu koji se odnosio na nabavku medicinske opreme.

Pored navedenog u strukturi planiranih sredstava u iznosu od 2.153.000,00 KM, neophodno je izvršiti unutarnju preraspodjelu sredstava na način da se dio planiranih sredstava koja su se

odnosila na građevinsko-zanatske radove i nabavku rezervnih dijelova za medicinsku i nemedicinsku opremu preusmjereni na nabavku medicinske opreme.

U dijelu Programa koji se odnosio na planirana sredstva za Kapitalni transfer za JU Kantonalna bolnica Zenica za sprečavanje širenja bolesti izazvane novim corona virusom (COVID-19)-2.052.000,00 KM bilo je problema u realizaciji odobrenih sredstava. Naime, postojala su određena odstupanja u ugovorenim iznosima u odnosu na planirane iznose za pojedinačne nabavke. Razlozi za navedeno su u činjenici da se u uslovima velike potražnje za opremom koja je bila predmet nabavke, kao i nestabilnom tržištu, nije mogao sa sigurnošću planirati iznos potrebnih sredstava, uz napomenu da se se radilo o hitnim nabavkama u cilju obezbjeđenja neophodne opreme za uspješno sprečavanje širenja virusa COVID-19.

Postojala su i određena odstupanja u količinama koje su nabavljene, te je u nekim slučajevima nabavljeno manje opreme nego što je planirano, a razlozi su, uglavnom što je bilo teško obezbjeđiti dovoljne količine zbog velike potražnje.

Napominjemo da se u nabavkama nije odstupilo od vrste opreme koja je nabavljana, a da u ukupnom iznosu nisu prekoračena planirana sredstva.

Pored navedenog treba napomenuti da je bilo i raskidanja ugovora o nabavci, zbog nemogućnosti isporuke od strane dobavljača. Dopisom dobavljača „Inel BH“ d.o.o. broj: MV-D1-314/20 od 10.06.2020. godine, JU Kantonalna bolnica Zenica je obaviještena da se po Ugovoru broj: 01-11-1809/20 od 17.04.2020. godine ne može izvršiti isporuka 3 klinička respiratora za djecu i odrasle, jer je proizvođač navedenih respiratora IMT Medical obavijestio „Inel BH“ da iste ne može isporučiti.

U toku godine sa razvojem epidemiološke situacije i potrebom hospitalnog zbrinjavanja većeg broja pacijenata pozitivnih na COVID-19, postojala je potreba za dodatnim izdvajanjima za osposobljavanje JU Kantonalna bolnica Zenica, te je zahtjev JU Kantonalna bolnica Zenica bio da se nerealizovana sredstva za nabavku medicinske i nemedicinske opreme usmjere na nove neophodne nabavke koje su imale karakter kapitalnih ulaganja.

III PROGRAMI

1. Kapitalni transferi za JU Kantonalna bolnica Zenica - planirani iznos 2.253.000,00 KM

Vlada Zeničko-dobojskog kantona već nekoliko godina u Budžetu Zeničko-dobojskog kantona planira značajna sredstva namijenjena JU Kantonalna bolnica Zenica za nabavku opreme i druga ulaganja koja imaju karakter stalne imovine, a ove godine kada se suočavamo sa pandemijom cjelokupan iznos sredstava namijenjenih u ove svrhe usmjeren je u JU Kantonalna bolnica Zenica. Nabavkom nove i savremenije opreme doprinosi se većem kvalitetu zdravstvene zaštite, smanjenju listi čekanja, većoj zaštiti pacijenata, ali i radnika prilikom izvođenja određenih zahvata, povećanju broja usluga koje se pružaju pacijentima. Izgradnjom i adaptacijom građevinskih objekata doprinosi se humanizaciji uslova u kojima pacijenti borave, boljim uslovima rada uposlenika, pružanju zdravstvenih usluga na višem nivou i sl.

Planirana sredstva za kapitalne transfere za JU Kantonalna bolnica Zenica iznose 2.253.000,00 KM ili 52,3 % ukupno planiranih sredstava za kapitalne transfere za zdravstvo.

U strukturi planiranih ulaganja iznos od 2.123.600,00 KM odnosi se na nabavku medicinske i nemedicinske opreme, na građevinsko-zanatske radove odnosi se iznos od 58.400,00 KM i nabavku rezervnih dijelova u slučaju kvarova iznos od 71.000,00 KM:

Redni broj	Vsta ulaganja	Planirana sredstva po Programu od 08.05.2020. godine	Planirana sredstva po Programu utroška iz decembra 2020. godine
1.	Nabavka medicinske opreme	1.658.000,00	1.981.600,00
2.	Nabavka nemedicinske opreme	145.000,00	142.000,00
3.	Građevinsko-zanatski radovi	250.000,00	58.400,00
4.	Nabavka rezervnih dijelova za medicinsku i nemedicinsku opremu	100.000,00	71.000,00
	UKUPNO	2.153.000,00 KM	2.253.000,00 KM

Kriterij za dodjelu sredstava

JU Kantonalna bolnica Zenica provodi postupak nabavke opreme, građevinskih radova i nabavke rezervnih dijelova u skladu sa Zakonom o javnim nabavkama („Službeni glasnik Bosne i Hercegovine”, broj: 39/14) i planom nabavki ove zdravstvene ustanove usklađenim sa Programom.

Na prijedlog Ministarstva zdravstva, a na osnovu zahtjeva JU Kantonalna bolnica Zenica, Vlada Zeničko-dobojskog kantona donosi odluku o odobrenju sredstava u skladu sa procentom ostvarenja prihoda u Budžetu Zeničko-dobojskog kantona.

Uslovi transferisanja sredstava na račun JU Kantonalna bolnica Zenica broj:134-010-00000138-94 otvoren kod ASA banke, precizirat će se svakom pojedinačnom odlukom.

JU Kantonalna bolnica Zenica obavezna je Ministarstvu zdravstva dostaviti dokaze o izmirenju obaveza dobavljaču prema uslovima iz zaključenih ugovora o nabavci.

2. Kapitalni transfer za JU Kantonalna bolnica u svrhu sprečavanja širenja bolesti izazvane novim corona virusom (COVID-19) - planirani iznos 2.052.000,00 KM

Naredbom Federalnog ministarstva zdravstva broj: 01-33-547/20 od 03.02.2020. godine, a u skladu sa Zaključkom Vlade Federacije Bosne i Hercegovine V. Broj: 164/2020 od 31.01.2020. godine, kojim se novi corona virus smatra zaraznom bolesti, naloženo je kantonalnim ministarstvima zdravstva imenovanje kriznih štabova za praćenje novog corona virusa.

Rješenjem ministra Ministarstva zdravstva imenovan je Krizni štab Ministarstva zdravstva Zeničko-dobojskog kantona za praćenje novog corona virusa, broj: 11-33-1335-3/20 od 04.02.2020. godine.

Vlada Federacije Bosne i Hercegovine je 16.03.2020. godine donijela Odluku o proglašenju stanja prirodne nesreće uzrokovano pojavom corona virusa (COVID-19) na području Federacije Bosne i Hercegovine, V.broj: 408/2020 godine.

Kantonalni štab Ministarstva zdravstva Zeničko-dobojskog kantona, donio je Odluku broj: 11-33-1335-16/20 od 04.03.2020. godine, kojom se zgrada Stacionara (dio koji koristi JU Kantonalna bolnica Zenica) pretvara u prostor za izolaciju i liječenje lakših slučajeva osoba pozitivnih na COVID-19.

Potrebe za dodatnom medicinskom opremom za liječenje zaraženih osoba su postale urgentne u cilju pripreme JU Kantonalna bolnica Zenica za rješavanje problema uzrokovanih pandemijom novog corona virusa.

Planirana sredstva u Budžetu Zeničko-dobojskog kantona u iznosu **2.052.000,00 KM**, čiji je cilj sprečavanje širenja bolesti izazvne COVID-19, odnose se na:

2.1 Sredstva namijenjena adaptiranju prostora zgrade Stacionara i nabavku neophodne medicinske i nemedicinske opreme, kako bi se osposobio depadans Infektivnog odjeljenja JU Kantonalna bolnica Zenica za sprečavanje širenja bolesti izazvane novim corona virusom (COVID-19).

Vlada Zeničko-dobojskog kantona je donijela Odluku o odobravanju sredstava u iznosu od **400.000,00 KM** za neophodne nabavke za osposobljavanje izolacionog centra za sprečavanje širenja novog corona virusa, broj: 02-11-4339/20 od 17.03.2020. godine, a sve u cilju pravovremene pripreme JU Kantonalna bolnica Zenica za prihvata osoba koje su pozitivne na COVID-19.

2.2. Sredstva namijenjena za nabavku medicinske opreme i osposobljavanje prostora neophodnog za zbrinjavanje pacijenata zaraženih novim corona virusom (COVID-19) u iznosu **1.652.000,00 KM** i to:

Redni broj	Vrsta nabavke	Količina	Ukupna vrijednost u KM
1.	Mobilni RTG aparat	1	9.886,50
2.	Prijenosni UZV aparat sa kardijalnom, linearnom i konveksnom sondom	2	88.920,00
3.	Respirator	2	105.066,00
4.	Transportni respirator	2	55.364,00
5.	Ležeća kolica za unutrašnji transport	14	25.945,92
6.	Defibrilator obični	2	51.714,00
7.	Transportni defibrilator	2	80.262,00
8.	Sanitetsko vozilo	1	99.222,06
9.	Kreveti električni za intenzivnu njegu	30	168.480,00
10.	Antidekubitalni madraci	34	107.640,00
11.	Invazivni monitoring	10	78.030,81
12.	Monitori	22	157.001,36
13.	Perfuzori	30	108.985,50
14.	Infuzomati	20	73.710,00
15.	Aspiratori	15	97.402,50
16.	Instalacija plinova na Odjelu za infektivne bolesti		68.501,16
17.	Ovlaživači kisika		52.451,10

18.	Laringoskopski set sa špatulom		3.217,50
19.	Građevinski radovi za osposobljavanje Kantonalne bolnice za borbu protiv COVID 19		220.199,59
	Ukupno		1.652.000,00

Vlada Zeničko-dobojskog kantona je u cilju zaštite stanovništva od zaraznih bolesti donijela Odluku o odobravanju sredstava za nabavku medicinske opreme date u prethodnom tabelarnom pregledu, broj: 02-11-5001/20 od 27.03.2020. godine, a u skladu sa tada vžećim Programom utroška sredstava, broj: 02-11-4172/20 od 13.03.2020. godine.

Obzirom na pogoršanje epidemiološke situacije u toku 2020. godine u odnosu na period donošenja Odluke, pored medicinske opreme bilo je potrebno obezbjediti i dodatne nabvake, te su neutrošena sredstva po navedenoj Odluci usmjerena na neophodne nabavke, koje su direktno vezane za pandemiju COVID-19, a sve u okviru odobrenih sredstava.

PREMIJER

po Odluci predsjedavajućeg Skupštine

Mirnes Bašić

Broj: 02-11-19936/20

Datum, 28.12.2020. godine

Zenica

DOSTAVLJENO:

1x Ministarstvo zdravstva,

1x Ministarstvo finansija,

1x a/a.